

Laawol kootgol walla duttgartol

Kabaruuji ngam wallude walla doftude been yidbe hootde e weleede mumen

Ngol doo derewol walla kaayit kabaaru fayti ko e ñaagotoobe moolaade e gollotoobe.e wallidiibe mumen renndo.



On ñabbi moolaade Belsik. So tawii on jabanaaka odon poti fellitde walla yettude peeje ko fayi arde. So tawii odon njidi hootde, odon mbaawi rewruude e amen.

Fedalsi ina yubbini ebbaande ngam famminde, habrude e doftude been yidbe hootde leydeele mumen. Kala ñaagotoodo moolaade ko e ngol laawol rewata. Darnde gollotoodo renndo ko duusde on e wallude on e ngol laawol.

1. SAHNGA NDE MBA'DDON DAB'BAANDE MON E MOOLADE E LEYDI HE

Nde ñaagidon moolaade e leydi he, on kabraama ko fayti e kootgol gondugol e weleede. Kala sahaa odon mbaawi hootde cuudi mon hay so tawii kaayitaaji ñabbaande nde yaltaani walla njabaaka tawo.

2. ON KEBII JAABTAWOL NGOL WELAANI

So tawii on kebii jaabtagol ngol moyfaani walla CGRA rokkaani on yamiroore moologol, liggotoodo renndo o omo waawi wallude mon e ko njidfon wadde walla yiilaade hootde leydi mon. Ina jeyaa heen jokkondirde e mon walla yeewtidde e mon yeewtere heeriinde.

3. JAABAWOL NGOL YIDAANKA NGOL YALTII

Ina wona nde ñabbaton ñaawoore to CGRA caggal nde ñabbaande mon sala. So tawii CCE saliimo ñaawoore nde firti ko hankadi ko doon haadi laawol gon'ngol alaa. Dum noon on njaltat galle walla santar jabbinoodo mon o. Hankadi ko nokkuuji goddi keblaadi ngam jabbaa hootoobe mbaawata jabbaaade on.

NOKKUUJI GUDDITAADI NGAM KOOTGOL

Santar gudditaado

Nokkuuji gudditaadi di woni ko to santaruuji jabbagol Fedasil. Ko palasuuji e santaruuji gudditaadi. Odon mbaawi naatde e yaltude no njidirdon.

Balde 30

Mudda mbaawaton won'de e palaas keblaado ngam hootoobe ko balde 30. E oon sahaa, diisnondirteedo o maa jokkondir e mon laabi tati.

Diisnondirteedo kootgol

Diisnondirteedo kootgol e jokkondirde gollotoodo renndo gondunoodo e mon oo maa yaahde mon kadi duusa mon. Diisnondirteedo o maa rokku mon kala kabaruuji paytudi e duttagol e leydi mon e ydde mon e kala no njidirdon.

Ballal ngam waawde jooɗaade e leydi mum

Sahnga nde ngardon e nokku keblagol kootgol, diisnondirteedo kalfinaado kootgol maa yuurnito ngonka mon keeriika. O fammina mon hol no be mbaawi wallirde on haa nduttodon e leydi mon. Hono no min mbiirata ballal ngam joyfin'de mon walla yibde on e leydi mon no haanirta.

Goomu kalinaangu danniyankoobe ina woodi

Caggal nde sarwis CCE rokki on jaabawol won'de dabbaande mon e moolaade e leydi he jabaaka hankadi gasii haa laabi. Goomu kalfinaagu danniyankoobe maa rewindo kaayitaji mon e nder santaruuji di.

Caggal balde 30

Caggal balde 30 ngonka mon e santaruuji di hankadi gasii. Kono mudda o ina waawi beydeede haa mbaawon heblaade no kootirdon e dow yidde mon. So tawii on njidaa hootde e kadi on njidaa yaltude santaruuji di, sarwis o ina waawi woddinon on.

KOOTGOL E DOW YIDDE

E kala sahaa odon mbaawi naagaade kootgol tawa ko mon ummorii. Kono amin nganndi yettude ngal pellital weebaani. Ko dum wadi Fedasil won'de doo ngam wallude on e yeeuwe peeje no kootirdon e leydi mon ndi ngiwdon ndi.

So on njidii anndude walla hebde kabaruuji e kootgol, njokkondiree e oon gollotoodo mon renndo.

Odon mbaawi noddude e ndee doo tonngoode tawa njobdi alaa **0800/32 745** (ummaade e waktu 9 haa waktu 17).

Odon mbaawi kadi hebde kabaruuji to gooto e nokkuuji Fedasil toppitiidi kootgol. (to Bruxelles, Anvers, Gand, Liège e Charleroi) walla to been be min njokkondiri be. Odon mbaawi hebde be e ndee doo tonngoode : **www.retourvolontaire.be**.

Huunde himmunde :

Hay so tawii odon dabbaani moologol kono odon ngonni e leydi Belssik tawa wonaa e laawol, odon mbaawi hootde e leydi mon so on pelliti tawa kadi ko e yidde mon.